

紅雞八磅扣布一員八七五  
卅號白布二員八五至二員八三  
十磅原布三員零七五至三員零五  
三百號白布二員九二五  
五百號白布二員八五  
金虎白布四員五  
七百五號白布二員八七五  
六鶴八磅扣布二員二五  
馬墨七磅止扣布壹員五五至壹員六  
冲猪頭八磅扣布一員七五  
鑄鑼八磅扣布二員三二五  
藍魚八磅四原布二員壹  
八雀七磅扣布二員五  
十雀八磅扣布三員二二五  
雁塔八磅扣布壹員七二五  
狗花七磅扣布壹員五  
銀龍八磅扣布二員二五  
八寶蓋八磅扣布二員壹至二員一五  
白洋布三員二至三員五  
廿四碼花細紗一員八五至壹員三  
色桂 三員六至三員七  
紅扯花三員五  
什色扯花布二員三至二員三五  
什色花布壹員七五至壹員七  
八磅七五紅布五員九  
二磅五洋紅布壹員一至一員七七五  
十四磅斜布二員四至二員四二五  
綠龍白竹布三員三二五  
什色馬尾緞一毫八五  
金紅羽紗十五員七至十五員六五  
棉花羽綢三員壹二五  
壹號黑羽緞十三員二至十二員五  
壹號品藍羽緞十三員七五  
壹號元青羽綾十二員至十二員二  
什色羽緞九員八至十員  
天青羽緞廿五員至廿五員五  
白袈裟布六毫三  
袈裟羅九毫二  
什色因巾六毫四  
什色花羽綢四員六至四員五五  
素羽綢五員至五員四三  
龍頭紅呷機七員八  
箭鹿紅畢機七員四至七員三

碼每

正蚊蠟青銅二一員至二十員零五  
 威仁蠟青銅二十員至二十員零一  
 青銅片小板二十員零七五  
 日本花巾二十四員五至二十四員  
 白鉛六員七至六員八  
 黑鉛五員四至五員三五  
 瑞典黑鉛五員三至五員三五  
 瑞典軟扁鐵四員三  
 線圓鐵枝二員七至二員六五  
 英國壹六鐵枝二員四至二員三五  
 集港壹六鐵枝二員三至二員三五  
 英國鐵線十至廿號六員五五  
 集港鐵線十一廿五號六員五五  
 英國方圓扁鐵二員二五至二員三  
 集港方圓扁鐵二員二至二員二五  
 英國軟白鐵五員二至五員三  
 集港硬白鐵五員二至五員一  
 舊山馬甲鐵二員三至二員三五  
 新山中馬甲鐵二員二至二員一七  
 英國鋼三員六至三員八  
 瑞圖鋼四員至四員五  
 雲南錫二十四員至十四員五  
 豐典錫二十九員五至二十八員  
 臺灣樟腦十七員五  
 洋硝六員二五至六員四  
 日本硫磺二員至壹員九  
 公屋角三千五百員至三千一百五員  
 艾粉三百員至三百二十五員  
 原桶木油六兩至五兩九  
 原桶生油五兩九至五兩八五  
 上火車米一員七七至一員七八  
 中火車米一員六至一員五五  
 一號安南占米一員八五至一員八  
 蘇包營占朴二員至一員九  
 安南更米一員六至一員五五  
 火車安南更米一員六八至一員六三  
 一號安南更米一員六六至一員七  
 新白壳荳一員九九至二員零三  
 黑皮青肉荳二員三至二員三五  
 新黃荳二員六至一員九五  
 新青荳一員九五至二員  
 四川白蠟八十八員至八十七員五

啟者上環文咸街西門第三十四號門牌萬源堂參舖生意今已收盤即將萬源堂招牌舖底傢私什物貨底一概頂與篤祐堂承受于十一月二十日交易清楚卜吉修整開張以前舊萬源堂所有欠到各行揭借貨等項俱歸萬源堂舊股份人支理與我新承頂人篤祐堂無干日後萬源堂祥記生意興隆亦與舊人無涉今用同萬源堂招牌加多祥記兩字特此聲明以免後論 辛巳年十一月廿日 篤祐堂萬源堂祥記告白



報

迅赴東河交梅啟昭差遣委用該部知道欽此

太子少保頭品頂戴四川總督臣丁寶楨跪奏為彙保歷年殲擒巨匪剿辦各邊夷務出力員弁紳團摺尤分別開單籲懇 天恩給獎恭摺仰祈 聖鑒事竊查四川一省幅員遼闊異常東南則接壤湘滇黔西北則毗連藏衛秦隴雖軍務早經平定而內地尚多伏莽邊境時警夷氛臣自光緒三年三月蒞川正值馬邊夷匪出巢滋擾並有天主州王萬春即王唆唆等頻年倡亂抗敵官兵日久稽誅至冬間又有羅江縣匪徒董麻二等糾眾撲城戕弁幾至蔓延不可收拾均經督飭勇營將弁勇丁次第削平殲除首逆地方漸覺安靖去年莪邊雷波兩廳夷匪復勾串涼山野夷分股接連肆擾勢甚囂張又恃其地險巢堅剿辦殊不容易而裏塘之查綠野番又勾結暗哨番兵劫殺土民圍攻官寨台垣均經調派各防營將領協同地方官督率員弁兵勇紳團將羅江首匪及莪雷各匪堅巢平燬殆盡首要逆匪擒斬撲滅淨絕根株其餘附和夷匪則痛加懲創剿撫兼施次第投誠迭次 奏奉 諭旨准其擇尤保獎毋許冒濫各等因欽此謹即恭錄宣布 恩綸展諭各營一體欽遵該弁勇兵團等無不踴躍歡欣益思奮勉嗣據各將領彙保前來伏查該員弁等出師於疊烟瘴雨之中奏凱於酷暑嚴寒之際或奪險攻堅蕩平碉寨或殲除首要力挫凶鋒紳團等或採運米糧資軍食或集團隨剿共保嚴疆均屬艱苦備嘗不無微勞足錄惟歷年既久人數較多節經臣與恒訓暨現署成都將軍臣托克湍和衷商榷從嚴核減謹分案繕具清單 恭呈 御覽籲懇 恩施立沛以作士氣而勵戎行除陣亡弁兵查明再行專案懇 恩賜卹擬保千總以下各弁另册咨部外所有遵 旨彙保歷年殲擒巨匪剿辦各邊夷匪出力員弁紳團摺尤開單請 獎緣由謹會同署成都將軍副都統臣托克湍合詞恭摺具 陳伏乞 皇太后 皇上聖鑒 訓示謹 奉 旨魏芳芳着賞給壯勇巴圖魯名號寶育才着賞給振勇巴圖魯名號羅志珂着賞給克勇巴圖魯名號姚山剛着賞給捷勇巴圖魯名號餘均照所請獎勵左恩所請開復原官原銜

並免 太子少保頭品頂戴四川總督臣丁楨寶跪 奏爲知縣人地未宜揀員請 旨對調以資治理恭摺仰祈 聖鑒事竊照知縣爲親民之官  
繳捐 必須才與缺稱人地相宜方足以資治理臣督同藩臬兩司在於所屬各員內留心察看查有綏定府屬之新寧縣係繁難中缺民情刁悍訟  
復銀 獄繁多向爲匪徒出沒之區與同府之東鄉縣毗連整頓匪易現任新寧縣知縣何靄然年五十五歲廣西臨桂縣監生遵例捐州吏目發川  
兩着 勞績遞保知縣同治三年請咨引 見領照起程是年十月十八到省捐新班遇缺先補用題補今職十三年十一月二十六日到任該員於  
該部 地方事務辦理尙屬認真第才具略欠開展於是缺不甚相宜查有准補冕寧縣知縣趙廷璜年五十歲貴州遵義縣附貢生遵例捐縣丞發  
議奏 川勞績保舉知縣同治九年五月進京引 見領照起程是年十月初三日到省題補今職該員聽斷緝捕均屬優長著銅梁縣篆務頗能整  
單六 飭以之調補新寧縣人地實在相宜所遺冕寧縣知縣雖同係繁難中缺政簡民樸治理較易即以新寧縣知縣何靄然對調可期勝任據藩  
件併 司鹿傳霖署臬司崇綱會詳請 奏前來臣覆加查核無異合併仰懇 天恩俯准以何靄然調補冕寧縣知縣趙廷璜調補新寧縣知縣俾人  
發欽 地各得相宜治理必有裨益該員等各任內均無展參有關係降調之案何靄然試俸已滿趙廷璜尚未到任例准揀調如蒙 俞允該員等各  
此 由選缺知縣互相對調毋庸送部引見除咨部外理合恭摺具奏伏乞 皇太后 皇上聖鑒訓示謹 奏軍機大臣奉 旨吏部議奏欽此

羊 十二月十二日 督撫憲報 督憲張出府  
往拜會海關崇隨拜候請安左都統尙拜候粵  
秀掌教黃拜會送行升授江西臬憲剛補用府  
鄒補用府夏俱稟知本日南番分局事竣繳局  
番禺縣袁稟知下鄉公幹回候補通判劉宗現  
稟知委會放碯礮補用同知祁兆熙稟知本日  
進彙纂洋務局 撫憲裕出府往拜會送行升  
授江西臬憲剛候補同知林賀峒稟辭赴蘆苞  
厘廠調補香山黃梁都司吳其煜稟銷南番沙  
田局差稟知委辦沙田省局外局文案

城 寺僧投呈 南邑宰徐次舟大令每逢三八  
之期在大堂親自收閱呈詞或即時批斷故  
屆期觀者恒如堵牆書差人等幾難駐足十  
三日午候當收呈時有某寺僧布衲蒲鞋裝  
束整潔赴案投呈是日人多擠擁越至四點  
鐘猶未收此僧之呈不知何寺僧人也或謂  
長壽寺者或謂白雲寺者未知孰是○修圍  
求款 三水縣副貢生劉桂芳等因修灶岡  
圍堤甚籌資無力來省迭赴各大憲衙門籲  
請不已雖批示分明而桑梓之情有難坐視

聞

又赴撫轅呈訴十二日裕中丞批云查該縣屬竈同園於本年四月間被水衝決前據委員會勘稟覆已批飭催令該園繼業戶人等趕緊籌款修築在案據呈現在無力籌修請在愛育堂所存米捐項下撥給銀兩以資修費之處是否可行查閱粘抄案經由司批府核辦仰布政司即飭廣州府查案核明諭商該紳董妥行籌辦分別飭遵具報粘抄並發○女尼惑世 自長壽寺僧滋事後省垣富戶有喪之家改延女尼建醮修齋以資冥福惟前時用女尼作齋醮及至施食超幽時仍請寺僧登壇誦咒向例如是蓋別有說以處此也及光緒年間則全用女尼別其名曰登紅臺又不知出于何典茲聞城西有某武弁之媳于十月時因產病歿因寺僧滋事恐有煩言由是改延女尼七旬內已建齋醮數堂餘仍法器不絕且聲言破地獄念血湖經日夜喧闐鄰里厭聞抑亦惑已

論籌餉 兵以衛民而餉精浩繁即以病民兵以威國而餉項支銷即以耗國故聖賢籌萬全之策足食先於足兵而去兵先於去食也邇來中國庫帑奇絀異常而洋稅釐金有加無已仍不足以資協濟即各省作正項開銷者亦幾於無款可稽內而司農外而藩司每有興作輒以無米之炊形諸奏牘曾未聞建一議畫一策以謀足用也夫用之足否不外開源節流二端今者言利之臣開源則有之矣至於節流則茫然莫知也豈非以積弊之難除互相徇庇不敢臚列陳奏於朝廷俾幡然變計歟抑利之所在實有不便於更改者歟鄧卽抄教習王君開運所陳管見摺片而歎中國以財用之不足軍餉之難籌也溯自軍興以後外省之用浮於承平正銷者不啻數倍故即釐金及各捐輸每年所入雖亦不止數倍而仍覺不敷支是則非物力之竭乃任意支銷及視為成例不肯裁減者之多也夫天壤之間財賦之出祇有此數古人搏節以用之而猶慮空乏者一旦視同泥沙不甚愛惜焉欲其不匱此必不可得之數也猶憶前輩有言國朝自乾隆以前軍中大帥每日所供食不過四盞而半屬蔬菜之品竟有良辰令節得嘗鮮肉一饌以為異數者及嘉慶之時則珠寶錦帛積如山阜肥鮮珍錯充於庖廚而犒賞優伶且動輒不費大帥所過一物必備故卽小醜跳梁而所調軍兵沿途需索幾於供億不給者而閭閻之擾累則又在所不計也近更以各省釐稅所入供各省防軍所需雖有開銷欸目而浩繁紛糾莫可究詰惟所設善後等局司員或稍知之耳而沿邊省分又有團練海防諸費既非出自田賦維正之供大半皆恃抽釐多寡以定豐絀多一釐欸即多一防軍亦即多一練費而朝廷並不得過問焉此深識之士所以盱衡時事而不禁慨然太息慮有意外將無以應急需也夫自西人通商以來論者每謂中國金錢

流出外洋若不設法禁止則外洋日富中國日貧而推原其故則徒以鴉片一物流毒靡窮耳至於洋布疋頭織中運至中國販入內地者爲數不知凡幾則不復計及也軍火鎗炮水雷鐵艦今日動欸數十萬明日動欸百餘萬競務新奇不求實際又不復計及也夫硝磺之產煤鐵之生中國所在多有豈不能自謀創造而必斤斤以購自外國者爲精妙獨出而不肯講求製造之法試思日久朽敝又將另購新者乎抑徒有其物遂可以威敵而殄寇乎則其糜費固顯而可見者也而籌餉者又不計及此焉豈非以餉項與用欸不同無煩越俎以代庖乎不知一絲一粟皆民脂民膏民力既紓物力自足物力既足兵餉必裕勢有相因事有相濟謀國者原當綜覈而兼籌也試觀泰西諸雄國其富強之效可以操之裕如而並無窒礙者非有他焉不過先裕商力而已商力既裕而兵力因以驟強蓋以兵護商即以商助兵而軍火鎗炮不徒足供己用亦可售諸鄰國以取利焉水雷鐵艦不但足示己威亦可售諸鄰國以得財焉美邦爲最富饒之國且不以威武尙功然亦銳志墾耕即麵粉一項販運出口者歲中爲數甚鉅則知國之強弱原無定形惟財用足則弱者可變爲強也中國地大物博以謀富強自易爲力較諸歐洲各國收效更速惟歷代相傳皆以言利爲非而又不知搏節以示限制而謀儲備流及至今則又不免漏卮中飽之虞無論購一軍械練一營兵其無名之費且數倍於正欵焉則餉源之日匱豈非意中事哉

此欲革除其積弊以期練兵籌餉日有起色上不耗國下不剝民固無他策焉惟省無名之費惜有用之財斯已耳然非辦理得人又烏足以語此哉

電音 十三日英都倫敦遞來電音云法國新任宰相兼理各國事務大臣富力思匿現已接任辦事因宣言於眾謂自愧菲材肩此重任惟有竭力供職以保太平俾民休息與國咸休也同日電音又云英國外藩院大臣羅士沙利語其同寮有謂埃及國與我國誼屬友邦且扼蘇彝士河之要形便勢利其國安危有關於我國者殊非淺鮮若有變故我國須力爲維持以共保安康也○印度郵音 西歷正月初六日孟買信息云卑倫歷乃英國倫敦炮船之船主也捧檄駕船在各海口巡緝販賣黑奴之事不料在登巴地方被阿刺伯人之販賣奴僕者所戕害經得回其屍昇至三思巴地方如禮殯葬云先是卑倫歷聞阿刺伯人有違例販賣人口之事不禁義形於色偕同通事人及航工四名駕船到登巴海濱沿途巡緝瞥見一船向前駛進而所豎旗號則是法國式樣卑倫歷以爲爲商賈之船不虞其有詐也並不攜帶軍械挺身欲過其船查詢船中共有百人爲之管駕者則阿刺伯人也俟卑倫歷過船即喝人役用鎗擬之卑倫歷搶進奪得其鎗乘勢以鎗桿力擊其人頭顱一

時腦血近流登即斃命於是阿刺伯人大噪圍擊卑倫歷奪回其鎗卑倫歷在身取出望遠鏡聊以抵禦復擊死一阿刺伯人卒以眾寡不敵偏體鱗傷無一完膚僵仆而歿後經檢視計受傷共二十一處噫死亦慘已舵工四名隨其過船相與急難有二人亦同被害其二入見勢難取勝徒死無益躍身入水洄至岸旁得免於難而通事人則不知生死下落矣阿刺伯人既戕卑倫歷及舵工二人遂棄其屍而揚帆以去事聞於副辦咸活即偕參將侯士謁見法國員弁告知其故法官悉理富路之以所懸旗號有干涉法國即同駕船馳往查辦其事數日後有阿刺伯人數名回三思巴埠訊究得悉倡首者名軒的邊希林復由三思巴樁派梳路丹衛兵百名着參將侯士統帶往圍軒的邊希林之屋以期罪人斯得詎軒的邊希林兇惡異常見兵來拿手持利刃抵死抗拒參將飭兵燃鎗環擊彈中其臂乃俯首就縛而受傷甚重未幾即斃經兵役在其屋內起出奴僕七十名交官審訊之船並非法人所駕蓋阿刺伯人在法國廢船中取得此等旗幟因懸於桅上以便往來海面冀免稽查也所有拘獲之阿刺伯人及起出之奴僕英官已備文書馳奏英廷請為區處俾有遵依以分別辦理焉

津門郵音 十一月二十三日天津來信云英國威公使曾在天津與李爵相商議鴉片釐稅之事適左侯相亦由京抵津因相同商議十二月朔威公使業已回京而左侯相亦即啟程南下所議事欸若何甚為秘密故外人莫得而悉其詳也○東瀛郵報 日本信息謂日本密檣度擬於明年夏間前往琉球以游覽其山川而訪問其風俗駐劄琉球員弁得聞此耗不禁望幸為欣慰居其時日王車駕遙臨鵠立道旁以相迎迓者定有一番熱鬧矣日王之志切游觀不欲深居簡出以頤養於宮中毋亦藉此以恣其雄心耶又日本人之寓居高麗者近以高民不靖懼被池魚之殃咸有戒心日本駐高領事擬將公廨遷往別處以避兇鋒日廷因此特派兵船兩艘馳往高麗一泊於鳳山一泊於鹽山以壯聲威而備非常焉日人之防患抑亦周矣○俄國郵報 俄國尼希利士黨人每以謀叛為志勢既延蔓情復兇悖既弑俄主仍無悔禍之心又屢次圖害新主此真所謂梟獍之性本於生成也茲得俄國郵簡又謂經官差於某處獲有亂黨八人於所寓房中搜出開花小砲無數此等砲不必裝於砲內祇用手放之自能飛出以炸轟矣亂黨將其砲裝入桶中為巡差所偵知故特為搜出也並搜出書函數封內有一書乃詰問尼希利士黨人何為遲疑觀望不亟舉事云甚矣俄國亂黨之多且久而未靖也俄主其果能高枕無憂否歟○升旗誌慶 十四日德忌連士洋行之廣東火船徧懸旗幟與帆檣相掩映五色繽紛十分熱鬧後悉其故



乃因其船來往本港及各埠已歷一百次從未遇險故特懸旗以誌慶也○演習打靶 本港差役向有打靶之例以資練習庶幾命中及遠鎗無虛發法甚良而意至美也茲聞定有賞格將往九龍設靶以放鎗而定優細焉○輪船入澳 十三日俄國吉打連拿輪船駛往石排灣入澳修葺該數日可以成事云

毆案 梁希梁就因毆辱西差帶提士被拘到案據供在十字街當值時有英國航工劉周十字街第十六門牌之屋因借往尋覓不獲其門而入遂到二人之屋問其門牌梁希答以不知梁就答以此是第十號六號之屋我遂詰以不應以紙塗之使人難辨認應將其紙洗去二人不允我言若執拘是故違例也將差役向有打靶之例以資練習庶幾命中及遠鎗無虛發法甚良而意至美也茲聞定有賞格將往九龍設靶以放鎗而定優細焉○輪船入澳 十三日俄國吉打連拿輪船駛往石排灣入澳修葺該數日可以成事云

火船往來 啟者本行有火船一隻名鎮江船本月十八日午四點開行前往上海準期

火船往來 啟者本行有火船一隻名鎮江船本月十八日午四點開行前往上海準期

火船往來 啟者本行有火船一隻名鎮江船本月十八日午四點開行前往上海準期

火船往來 啟者本行有火船一隻名鎮江船本月十八日午四點開行前往上海準期

火船往來 啟者本行有火船一隻名鎮江船本月十八日午四點開行前往上海準期

承批 啟者茲有承批貴重物業在香港皇后大道東

承批 啟者茲有承批貴重物業在香港皇后大道東

承批 啟者茲有承批貴重物業在香港皇后大道東

承批 啟者茲有承批貴重物業在香港皇后大道東

承批 啟者茲有承批貴重物業在香港皇后大道東

承批 啟者茲有承批貴重物業在香港皇后大道東

承批 啟者茲有承批貴重物業在香港皇后大道東

承批 啟者茲有承批貴重物業在香港皇后大道東

承批 啟者茲有承批貴重物業在香港皇后大道東

承批 啟者茲有承批貴重物業在香港皇后大道東

承批 啟者茲有承批貴重物業在香港皇后大道東

承批 啟者茲有承批貴重物業在香港皇后大道東

投 啟者本夜冷館於十二月十八日

投 啟者本夜冷館於十二月十八日

投 啟者本夜冷館於十二月十八日

投 啟者本夜冷館於十二月十八日

投 啟者本夜冷館於十二月十八日

投 啟者本夜冷館於十二月十八日

投 啟者本夜冷館於十二月十八日

投 啟者本夜冷館於十二月十八日

投 啟者本夜冷館於十二月十八日

投 啟者本夜冷館於十二月十八日

投 啟者本夜冷館於十二月十八日

投 啟者本夜冷館於十二月十八日

告 啟者香港文咸街門牌第八十八號茂店原李祥發

告 啟者香港文咸街門牌第八十八號茂店原李祥發

告 啟者香港文咸街門牌第八十八號茂店原李祥發

告 啟者香港文咸街門牌第八十八號茂店原李祥發

告 啟者香港文咸街門牌第八十八號茂店原李祥發

告 啟者香港文咸街門牌第八十八號茂店原李祥發

告 啟者香港文咸街門牌第八十八號茂店原李祥發

告 啟者香港文咸街門牌第八十八號茂店原李祥發

告 啟者香港文咸街門牌第八十八號茂店原李祥發

告 啟者香港文咸街門牌第八十八號茂店原李祥發

告 啟者香港文咸街門牌第八十八號茂店原李祥發

告 啟者香港文咸街門牌第八十八號茂店原李祥發

白 啟者此級帽頂好材

白 啟者此級帽頂好材

白 啟者此級帽頂好材

白 啟者此級帽頂好材

白 啟者此級帽頂好材

白 啟者此級帽頂好材

白 啟者此級帽頂好材

白 啟者此級帽頂好材

白 啟者此級帽頂好材

白 啟者此級帽頂好材

白 啟者此級帽頂好材

白 啟者此級帽頂好材

白 啟者此級帽頂好材

白 啟者此級帽頂好材

白 啟者此級帽頂好材

白 啟者此級帽頂好材

白 啟者此級帽頂好材

白 啟者此級帽頂好材

白 啟者此級帽頂好材

白 啟者此級帽頂好材

白 啟者此級帽頂好材

白 啟者此級帽頂好材

白 啟者此級帽頂好材

白 啟者此級帽頂好材



英京公司  
火燭保險  
啟者本公司向設英京倫嶺保  
險已越數十年實備資本銀一  
千萬員專保火燭宴梳茲分設  
香港承保房屋及家私並貨倉  
等貨物無火燭意外之虞價甚  
相宜倘遇不測照數陪足所有  
規矩亦極妥善諸君賜顧請至  
本行辦房面議是荷  
光緒七年 七月 廿六日  
代理人律頓行謹啟

探選妙藥精製各項膏丹丸散藥油藥餅酒藥水藥餅藥冰香油香水雪白清香乾粉固齒擦牙香粉洋烟脂粉淡紅玫瑰葉乾粉花露香粉疳積花塔餅肥兒疳積餅唧士肥兒餅止咳藥餅雙料薄荷餅喉龍痛爛口疾藥餅延年益壽玉桂藥酒跌打內外各症紅藥酒肉精油培植補婦人產後藥酒各欸洋菓子味藥酒清西洋檯酒各種菓子露追風膏藥拔毒膏藥埋口藥膏爛肉生肌藥膏生肌拔毒膏藥拔毒止痛膏藥白藥膏藍藥膏辟蝨藥膏頑癬藥膏癩藥膏脫痔藥膏白濁檸檬膏眼邊爛藥膏花柳三角風藥膏刀傷藥膏止該甘草膏十全大補鐵精丸補氣補血藥丸靈效清補丸壯陽廣嗣丸固本寧神丸婦科調經丸酒風脚丸白濁白帶藥丸沙氣時症丸發熱頭痛作嘔丸週身困倦勝脫受濕丸小兒五疳蠱積肚痛丸心氣痛散毒死各風惡蟲藥散白濁白帶藥散小兒作出牙發熱藥散脫髮髮藥散小兒胎毒火瘡各症藥散風痰濕症散皮膚濕熱散清涼消熱散發冷藥散烏鬚髮藥水遺精洩夢藥水搗瘡藥水光明眼藥散清補涼藥散乾水止癢散化痰止咳藥水花柳搜毒藥水十全大補種子藥水除點去痕眼藥水風濕各症藥水耳聾耳鳴藥水立止牙痛藥水烏鬚髮藥水遺精洩夢藥水器皿膠水急救誤食洋烟毒物藥水浸疳藥水脫雞眼腳枕藥水白濁白帶藥水陽癰藥水刀傷止血藥水擦汗痒藥水精脫油膩藥水回頸歷各症藥水沙示罷禮刺藥水吊癩癰藥水小兒咳嗽糖水綠傷燒傷藥水小兒肚疳藥水小兒慢驚藥水鐵精補血藥水男婦止疳藥水精止戒洋烟肚疳培補藥水紅白玫瑰甘水生髮香水還魂藥冰癩藥水目疾各症藥水羊暗瘡雀瘻白食藥水止痛各症藥水風癱半身不遂藥水回魚口無名腫毒藥水辟瘟疫穢氣藥水治白蟻藥水別色洋菓子味糖水週身骨痛藥水疳疔魚口便毒藥水瘡疽背癰

藥水 週身蜂起濕熱藥水 退燒藥水 耳痛潰膿藥水 內傷痰火藥水 破金吐血藥水 陰虛潮熱藥水 五癆七傷藥水 肺癆乾咳藥水 哮喘喘咳藥水 傷風咳嗽喉痛藥水 氣促氣逆胸痛藥水 噎食消滯藥水 小兒紅白痢疾藥水 止肚痛藥水 男婦患各痢疾藥水 狐臭臭水藥丸 隆冬手足爆拆香水 面生麻瘋癩癬香水 和粉修容香水 風痰迷塞藥水 色思病花癩藥水 皮生各疾陰陽惡瘡藥水 血逆莽行嘔血藥水 貓狗惡獸咬傷藥水 癰癤白髮癰藥水 傷風鼻烟 內外痔藥 痕氣烟絲 薄荷精 洋薑精 泡製瀉鹽 泡製瀉葉 極品香梘 治麻瘋藥 安胎藥 玫瑰香油膏 鱖魚肝油 白濁藥油 清潤瀉油 去腐肉解毒藥油 極品檀香油 極品玫瑰油 極品丁香油 極品八角油 極品荳蔻油 精製玉桂油 花露油 香花油 上品正薄荷油 桂花香味紅口唇膏 追風樟腦木油 精製松節油 頂上雙料正薄荷油 頂上雙料正薄荷油 以上各款靈驗藥物不過就其有症可舉者畧為開列其餘異樣無名奇難之症各藥無不俱備如有新奇怪症請到本藥房問症施治余自大清道光廿二年到香港在中環開張大藥房今將四十載閱歷既深遠徧究中國水土深得其奧所有配製各等正藥俱是揀選上品製煉精工不敢稍存欺偽兼以近日價計便宜務期濟世益人與各家所售者大相懸別溯洋人在中華賣藥者固以本藥房為始創第一家即中華向洋人購藥者亦以本藥房為最馳名所製之戒煙精粉風行各省外埠疊蒙 列位大學士督憲撫憲各大人分驗著效陸續賞賜匾額前經佈告諒邀 洞鑒茲常有各等化學藥料製煉藥材器具外科合用器具治風癱半身不遂千人震頂好過水磨玻璃磚各款料牙料眼鏡牙物料器具新鮮洋痘種各款種洋痘刀試血氣穩獨步小賜氣夾出門浮水帶花露水灑頂好刀仔利器隔水炭氣漏喉相藥水器皿電鍍金銀藥水器皿小兒奶鰻牛奶糕各款洋酒呂宋烟菓子味糖菓荷蘭檸檬等水試酒及糖水高低玻璃瓦皆有發售兼有粧臺各款玩物時樣各式什物與及所製各項藥料各國名家所製諸般藥料不能盡錄 本藥房原創在 香港中環泉憲署斜對門 一在英京反出治大街後 一在粵城西關沙基大街近分枝 一在上海第二十四號南京路 一在福州南台廣東會館隔鄰 一在小呂宋第十四號橋頭兼擇殷實行店附寄各省各埠發售以便 貴客易於購買倘有行店無論在何省遠處欲取各款藥料發售者請函致本局以便兌給務於原價酌減以便易於販賣得以廣行濟世是所厚望焉近有在外埠假冒本藥房招牌者不但希圖射利誠恐偽藥傷人倘 諸尊賜顧請認準准用龍麟伴塔為記別人不得冒效

光緒七年閏七月二十日 至 西歷一千八百八十一年九月十三日 告 白

瑞國 敬啟者瑞西國洋面保險公司備實老本銀壹百萬員與瑞國喇公司同保險壹百萬員又與法國奈公司同保險壹百二十五萬員及法國公司同保險壹百萬員共成四百二十五萬員 本公司茲分設在香港特托也洋行代出保單可保普天下各處海面船上貨物無意外之虞倘有不測則照例賠償保費相宜擬每百員計回經手用銀三十三員三毫三仙士外每員實銀再奉回彩銀十員如 貴客投保者請移玉到本辦房面議

洋面 保險 公司 告 白

參茸 敬啟者余幼習英國文字通商中外至今二十餘年矣前者余經上烟癮六年屢戒不效今蒙產洋烟地印度國白頭人醫師甲都魯先生考究秘傳他國戒烟藥靈驗數味和中國馳名參茸君臣上藥共煉製成一戒而斷此攪乾的味美不苦不辛併無入烟尿等弊服此無憂病患癮癮立除照吸烟時服凡遇出外烟癮起即食攪便見功此誠乃戒烟之第一法也兼能治咳嗽哮喘 無憂攪每個九厘莫每包八個價銀一毫番字封口 另有鎗上消積攪凡未成癮者當吸完烟時食一二個能盡除烟積癮毒自後包無成癮之累也 每個價銀四厘莫每盒廿六個價銀二毫 一在香港上環公典磁器店寄賣 一在粵東省城大新街昌記扇店 一在佛山快子正街誠福錢銀店 一在汕頭昇平街益昌扇店 一在星架坡馬車街聲利行寄賣 若有斷種害人之藥 求天歌之 香港發興街口黃天寶堂謹識

劉晉 敬啟者余習西醫鑲牙善法兼醫牙痛牙癢牙疳穿腮一切牙患均能立除世醫大小男婦內外方脈並奇難雜症教習及電學化學諸理發售膏丹丸散中外必效之藥其鑲牙之法係用洋來磁牙以金或銀或印度樹膠為座若口內半齒無存皆能全副鑲回保其堅固自能咬筋嚼骨有若天然生就真假難分價極相宜妙不勝言牙有洞者補以金銀痛而深者脫之即可不痛以上各法如有變動包其修復謹此奉佈諸 君賜教請移玉步館在中環皇家水車館背後街壹百零七號有鑲牙醫所扁須便是 一館在省城布政司後街劉菊坡四舍弟接教

牙 鑲 三 晉 劉 告 白

萬安 敬啟者本公司於二月十五日開辦承保往來各埠貨物諸君賜顧請隨時移玉至上環水坑口門牌第二號本公司寫字樓便是特此佈聞  
光緒七年二月吉日 司理郭硯溪謹啟

廣德堂 蓋自麟農嘗百草金櫃有良方藥丸一項製濟多家各有不同惟本堂之丸俱依秘傳良方不惜資本親自揀選上品正地道藥料精工監製得法修煉成丸屢經試驗其功甚捷故敢傳於世利物濟人為念並非希圖射利實志在遠近傳揚本堂創自同治甲戌年四月間有已歷多年曾蒙士商遠傳中外頗馳名矣每月初二十六初九廿三日定期照原價十份減其四份實收回六成以充工費之需逾期仍照原價發售本堂之戒煙無憂丸 烏雞白鳳丸 參茸衛生丸 鹿茸寧神丸 寧心補腎丸 格外精微奧妙效若如神簡蒙諸尊賜顧請認香港南北行口第壹間廣德堂養和軒招牌並分丸味庶不至魚目混珠則本堂幸甚矣  
光緒辛巳正月十九廣德堂謹啟

安泰公司 啟者本公司承保各處洋海水面船上貨物無意外之虞賠償事款悉照本公司定規辦理所有保費按時價收實銀三份之二凡有貨物要保往各埠者均可到來投保諸君光顧請移玉到船政廳左鄰海傍西邊門牌第八號九號本公司樓上便是特此佈聞  
光緒七年正月初四日 安泰保險有限公司啟

鋪利臣士爾 啟者普國士得天保險公司名鋪利臣士爾柯爾爐共計料出現本銀二百捌十萬圓其餘付充未有限量倘遇不測代照數賠足茲分設香港特託末士味也洋行代理專保中外房屋鋪戶貨物及堅固貨倉貨物無火燭之虞價甚相宜所有保險規矩亦極妥善諸君光顧請移玉是荷  
光緒七年六月廿三味也洋行啟

廣西油煤 本棧源信昌字號開設省城花地口專自採運廣西賀縣出產油煤發售此煤質堅潔烈其氣力與金山雪梨等油煤無異輪船機器甚為合用價亦便宜倘欲賜顧請至本棧或河南金花廊前街源信棧與司理人商議或到香港中環成興辦館看辦議價亦可  
羊城花地口源信昌煤棧謹啟